

## Иисус Христос сема питӑс

1 Щи артн Август хон ики Римский империя мўвӑт луваттыйн мир нух хӑшты непек еталтӑс. 2 Щит мет олаҫ мир нух хӑашты вер вӑс Квириний Сирияйн ух хӑя вӑлмал артн. 3 Щирн кашин хуят рӑтлал вӑлты мўва мӑнӑс нух хӑншащты пӑта. 4 Иосиф ики ищи Галилея мўв эвӑлт, Назарет вошл эвӑлт, Иудея мўва мӑнӑс Вифлеем воша — Давид хон рӑт воша. Лўв, вантӑ, Давид хон рӑт пела вӑс. 5 Лўв яха вӑлты ястум Марияйл пила хӑншащты пӑга пӑнта еслӑщӑс, Марияйл пащирн вӑлмал. 6 Щив юхӑтманӑн Вифлеем хуша Марияйл няврӑм тӑйты елпи хӑтлал тӑрумсӑт. 7 Лўв мет олаҫ няврӑмл — Пух сема щи питӑс, яма суха-нюра ювӑртсӑлӑ па вой-хўл леты хушапа пунсӑлӑ, мир юхӑтты хотн холты тӑхи ӑнтӑм вӑлум пӑта. 8 Вош лӑпӑн хӑр тӑхийн вой-хўл лавӑлты ӗх холсӑт тащел лӑвӑлман. 9 Атлӑн роман Тӑрум китум ангел лыв ещӑлтӑл тывӑмӑс, кӑт пелкел Тӑрум тўтн хӑтлӑс. Ин ӗх пӑлтапн юхӑтсаит, 10 тӑп ангел щиты лупас: «Ал пӑлаты! Ма нынан па мўвтӑл мира амтӑҫ ай павӑтты юхӑтсум. 11 Тӑм ат Давид хон ики вошн нынан нух павӑтты Христос сема питӑс, Лўв нын Вӑн Кӑщаин. 12 Тӑм нынан пос: нын вой-хўл леты хушапн суха-нюра вӑлтум Няврӑм вӑйтлӑлн». 13 Щӑлта шаҫкап ангел пўҫӑла Тӑрума нӗтты па ар ангелӑт юхтумсӑт, лыв Тӑрум нӑм нух тӑсӑл па яма путӑртсӑл: 14 «Ешӑк Тӑрум, Нӑу Кӑрӑщ Хотӑнӑн ишӑк ясӑҫн ат лулаин. Мўвн влты хуятӑн лллы вӑлупсы ат тӑўл. Тӑрум хӑннӑхӑйт сӑмӑҫа тӑлӑлӑ». 15 Ангелат нух елмум юпийн вой-хўл лавӑлты ӗх нумӑс версӑт: «Вифлеем воша мӑнлўв па вантлӑв, муй вер щӑта тывӑс, Тӑрум мўҫева муй ай павтӑс». 16 Лыв тухи терматыйлсӑт. Щӑта Мария па Иосиф, вой-хўл леты хушапн улты Няврӑм щи вӑйтсалал.

17 Лвӑт шивалумел пурайн путӑртсат, муй ай лыв тӑм Няврӑм  
олӑнн тӑм елпийн уша версӑт. 18 Хӑлӑнтум ӗх ӗмща вантсӑт  
вой-хӑл лавӑлты ӗх путӑр пӗла. 19 Мария щӑ ясӑӑг шависӑлӑ,  
нӗмӑсыйдман сӑмӑда пунсӑдӑ. 20 Вой-хӑл лавӑлты ӗх юхи юхӑтсӑт,  
Тӑрум нӗм ишӑкман, яма лупман щит пата, муй вантсӑг па муй  
хӑлсӑт, щӑ вер хуты вӑлмал, щиты путӑртса.